

《無量壽經優婆提舍願生偈》 補充講表

◎附表五：

○莊嚴水功德成就、莊嚴地功德成就、莊嚴虛空功德成就。

※《往生論註》云：「既知身觸，應知眼觸，是故次觀水、地、虛空三事。」

○寶華千萬種，彌覆池流泉，微風動華葉，交錯光「亂」轉。「亂」有二含義：

一、亂：有次序的。即是眾多的光與色互相交錯，並且有次序的輝映。

二、亂：向四面八方照映。蓮華種種眾多的光與色互相交錯輝映，並且向四面八方照映。

※《佛說觀無量壽佛經》云：「其摩尼水，流注華間，尋樹上下。其聲微妙，演說苦、空、

無常、無我、諸波羅蜜，復有讚歎諸佛相好者。」

△七寶池八功德水，復有三種殊勝妙用：1、水能隨意，2、水能說法，3、浴畢進道。

（以上糝合蓮池大師《佛說阿彌陀經疏鈔》）

△一、水能隨意 以下為《佛說無量壽經》經文

彼諸菩薩，及聲聞眾，若入寶池，意欲令水沒足，水即沒足；欲令至膝，即至於膝；欲令至腰，水即至腰；欲令至頸，水即至頸；欲令灌身，自然灌身；欲令還復，水輒還復。調和冷暖，自然隨意。

△二、水能說法

波揚無量自然妙聲，隨其所應，莫不聞者。或聞佛聲，或聞法聲，或聞僧聲，或寂靜聲、空無我聲、大慈悲聲、波羅蜜聲，或十力無畏不共法聲、諸通慧聲、無所作聲、不起滅聲、無生忍聲，乃至甘露灌頂眾妙法聲。如是等聲，稱其所聞，歡喜無量。

三、浴畢進道（開神悅體，蕩除心垢）

※《佛說阿彌陀經疏鈔》云：「大本云：【既皆浴已，或各坐於蓮華之上。】又云：【有在地講經者，誦經者，自說經者，授（傳授他人）經者，聽經者，念

經者，思道者，坐禪一心者，經行者，有在虛空中講經者，乃至坐禪經行者，各隨其質而有所得。未得四果者，因得四果；未得不退轉地菩薩，得不退轉。」是水不但以可浴為功，又能利益於既浴之後也。」

○無量寶交絡，羅網遍虛空，種種鈴發響，宣吐妙法音。（兩種虛空莊嚴）

※《佛說無量壽經》云：「無量寶網，彌覆佛土，皆以金縷真珠，百千雜寶，奇妙珍異，莊嚴校飾。周匝四面，垂以寶鈴，光色晃曜，盡極嚴麗，自然德風，徐起微動。其風調和，不寒不暑，溫涼柔軟，不遲不疾。吹諸羅網，及眾寶樹，演發無量微妙法音，流布萬種溫雅德香。其有聞者，塵勞垢習，自然不起。風觸其身，皆得快樂，譬如比丘得滅盡三昧。」

※《佛說觀無量壽佛經》云：「一一寶中，有五百色光；其光如華，又似星月，懸處虛空，成光明臺。樓閣千萬，百寶合成。於臺兩邊，各有百億華幢，無量樂器，以為莊嚴。」

○兩華衣莊嚴，無量香普薰。（糝合《往生論註》）

◆此二句，名莊嚴兩功德成就。佛本何故興此莊嚴？見有國土，欲以服飾布地，延請所尊。或欲以香華、名寶，用表恭敬。而業貧感薄，是事不果。是故興大悲願。願我國土，常兩此物，滿眾生意。

※《佛說無量壽經》云：「設我得佛，國中菩薩，在諸佛前，現其德本，諸所求欲供養之具，若不如意者，不取正覺。」（第二十四願、供具隨意）

※《佛說無量壽經》云：「又風吹散華，徧滿佛土，隨色次第，而不雜亂，柔軟光澤，馨香芬烈。足履其上，蹈下四寸，隨舉足已，還復如故。華用已訖，地輒開裂，以次化沒，清淨無遺。隨其時節，風吹散華，如是六反。」

※《佛說無量壽經》云：「又以眾寶妙衣，徧布其地，一切天人，踐之而行。」

○佛慧明淨日，除世癡闇冥。（以下糝合《往生論註》）

※《往生論註》云：「既知眼、鼻等觸，須知離染，是故次觀『佛慧明照』。」

◆此二句，名莊嚴光明功德成就。佛本何故與此莊嚴？見有國土，雖復頂有日光，而為愚癡所闇。是故願言：使我國土所有光明，能除癡闇，入佛智慧，不為無記之事。亦云：安樂國土光明，從如來智慧報起，故能除世闇冥。

◆經言：或有佛土，以光明為佛事，即是此也。故言：佛慧明淨日，除世癡闇冥。

※《佛說觀無量壽佛經》云：「無量壽佛，有八萬四千相；一一相中，各有八萬四千隨形好；一一好中，復有八萬四千光明；一一光明，徧照十方世界念佛眾生，攝取不捨。」

又云：「以智慧光，普照一切，令離三塗，得無上力。」

※《佛說無量壽經》云：「設我得佛，十方無量不可思議諸佛世界眾生之類，蒙我光明觸其身者，身心柔軟，超過天人。若不爾者，不取正覺。」（第三十三願、蒙光柔軟）

○梵聲悟深遠，微妙聞十方（以下糅合《往生論註》）

◆天竺國稱淨行為梵行，稱妙辭為梵言。彼國貴重梵天，多以梵為讚。

聲者，名也；名，謂安樂土名。經言：若人但聞安樂淨土之名，欲願往生，亦得如願；此名悟物之證也。釋論言：如斯淨土非三界所攝，何以言之？無欲故，非欲界；地居故，非色界；有色故，非無色界，蓋菩薩別業所致耳。出有而有曰微，（出有者，謂出三有；而有者，謂有淨土也）。名能開悟曰妙（妙，好也；以名能悟物，故稱妙）。

※《佛說無量壽經》云：

設我得佛，十方世界無量諸佛，不悉咨嗟稱我名者，不取正覺。（第十七願、諸佛稱歎）

設我得佛，十方無量不可思議諸佛世界眾生之類，聞我名字，不得菩薩無生法忍，諸深總持者，不取正覺。（第三十四願、聞名得忍）

設我得佛，十方無量不可思議諸佛世界諸菩薩眾，聞我名字，壽終之後，常修梵行，至成佛道。若不爾者，不取正覺。（第三十六願、常修梵行）